

四庫全書

集部

欽定四庫全書

集部

御製詩三集卷二十三

四

詳校官侍郎

臣謝墉

助教

臣常循覆勘

總校官原任中允

臣王燕緒

校對官中書

臣蔣寬

謄錄監生

臣周文彬

欽定四庫全書

御製詩三集卷二十三

古今體九十九首

壬午七

蘇州啟蹕作

兩日駐行旌黃龍發水程不耽惟我志略戀是民情吳
會歌聲遠惠山秀色迎東南風恰好卓午到舟營

雨中遊惠山寄暢園

春雨雨人意惠山山色佳輕舟溯源進別墅與清皆古

木濕全體時花香到茲問予安寄暢觀麥實欣懷

惠山寺疊前韻

每逢佳景喜題句率以鐫崖紀歲年是曰有為之法耳
遠哉無我祇如然愛聽春鳥閒彈梵懶與山僧坐講禪
一語何妨聊顧問即今悟處可曾圓

寺中猶有雍正年間內廷行走僧

戲題惠泉方圓二池

一脈流來疏兩池圓甘方劣志傳奇人情圓喜方斯惡
泉自淙淙自不知

題漪瀾堂

四圍清泚繞書堂
檐栢光翻漾鏡光
乍可觀瀾知有術
因之點筆遂成章
春陰瓊島雖數典

瓊島春陰有堂亦額是名

冰洞

松菴詎易方
緬溯東坡題額意
崇情泉石託偏長

若冰洞

石甃方圓引側注
攀躋更上小雲巒
討源直到真源處
冰洞翻花萬古寒

駐蹕金山作

秣陵將問古氏父暫浮江雨不妨無驛

是日自丹陽城霞閣發舟行八

十餘里申刻即到金山

風全靜渡艘水天憑几席花鳥列軒窓祇

合蠲諸慮誰云聲色擬

句容道中

揚子登舟指秣陵中途易馬度江乘菜花引蝶麥藏雉
畫裏溪村農事興

迤南峻嶺北長江天塹真稱險莫雙底事古來恃險者
豎旂頻見出城降

小兒已長老年多縱令隨觀不禁訶五十帛需七十肉
孜孜為慮應去聲如何

慧居寺

峯嶺因何秀秀因泉石遭恰宜耆域擴底較將山高禽
演無生偈松翻萬古濤閣黎惟守律不習坐禪逃

遊棲霞山

棲霞名寺遂名山點竄寧因字句間本名攝山棲霞寺名也今云棲霞山

或因避攝字耳故戲及之藥草攝生何不可乳泉滌慮恰宜閒偶來

尋勝非耽靜敢懈觀民正憶艱樸斲行宮居信宿對時
摘藻我猶閑

紫峯閣

峭拔高峯生紫烟峯顛松栢見齊年三間小閣開窓對
太華何殊玉井蓮

功德泉

紫峯閣對青蓮壁下有泠泠功德泉樓指不須數以八
論年詎止閱惟千何當古月臨澄照且看微風作細漣

雖是山根畧疏剔由來得倍藉天然

棲霞行館作

行館樸而幽依然前度修軒窓無俗韻林壑有神投鳥
語花間出泉聲竹裏流玲峯院牆內趁暇一登遊

太古室

仰睇疊巘俯臨池宇宙以來原有之我自先憂後樂者
底須高企子西詩

玲峯池

天半滌天池玲峯四面奇五年纔一照為爾坐移時
山以萬丈計泉淙為有源下視溝澮盈豈可相衡論
老松高百尺新松低數寸小草莫相欺會有凌雲分
澹澹含春日英英吐春煙野花姍入影也自一時妍
不肯瀉為瀑渟然守太初忽懷齊隱士亟命返肩輿

題張宏棲霞圖

勝遊冬孟挈良朋山寺棲霞冒雨登

見張宏
自識語

託興應於

前代隱劇談何礙法門僧却欣粉本峯姿對信是傳神

繪事能松籟堵波率依舊微嫌池館較他增

萬松山房

名山駐清蹕乘暇探山春春山日以佳紅紫繪非芬山
房萬松中古色干青雲不與世同調乃得意所欣謾謾
寒濤翻蔥蔥翠蓋勻金吾報行漏適可前塗遵十八公
如語原非箇中人

題般若臺

山鳥春前叫山花雨後開是云般若相那辨有無臺

練影堂

山中一湖水借問是誰開
識性易疏塞得源可溯
洄軒圖畧點綴練影足徘徊
妙契澄清義觀民有事來

德雲菴口號

淦淦復英英境真乾闥城
不教餘結習得句便前行

九株松

謂似會昌曾有詩三三瘦骨挺仙姿
祝

釐去歲香山會九老居然兩倍之

疊浪崖

層疊奇峯作浪形
大瀛海豎萬尋青
漁人何物津輕問
祇合虛舟不繫停

見山樓

出樹有高樓
見山與額留
由來一合相
那問幾經秋
崖浪階前疊

疊浪崖
在其下

松濤窓外流
如何僧紹後
不復覲潛

修

幽居菴

寒泉帶曲溪茂林鎖層嶠得趣以深逕納遠愛虛牖南
朝樓臺無太古雲山有幽居緬前賢今人稱去聲居否

峭猜室

幽居最幽處逕自石林穿剔土得飛壁剝沙出瀉泉蒼
杉濕垂露密竹靄生烟結念屬峯頂無何便著鞭

登最高峯作

登峯登合最高峯風拂鬚眉雲盪胸下視鍾山諸培塿
綠瓊盆裏種芙蓉

江山險帶還襟守德孜孜獨切心
泐石長歌一再讀
丁丑登最高
峯長歌紀事却教視泯去來今

話山亭

遊山歸來日未午
院內山亭憩久許
舉頭題額曰話山
不識誰賓抑誰主

石梁精舍

得逕琳瑯叢
憩席烟霞宇
遙吟目空濶
俯暢意軒舉
江國既欣春
吳雲復不雨
山鳥與山花
爭妍真靜所
五年

瞬息間石梁自太古

春雨山房

江國今年雨恰好行春無礙每逢晴晚來細點凌空灑
却喜山房善副名

武夷一曲精廬

巖根水繞階除步廊曲折雲疏擬議以成變化武夷一
曲精廬

京師得雨誌喜

南國優逢春雨時，早因北省繫遐思。欣聞同日京畿遍

三月十三日江浙優霑春雨，今京師奏到。同日得雨寸餘，近京州縣有報霑三寸者。信遞逾旬，驛

路馳地潤得滋利已溥。

去歲秋霖冬雪地脈實潤寸餘，以及三寸足滋春耕，政不期過。

多農耕為要喜，堪知齊郊豫野均。霑否大吏佳音佇待之。

燕子磯

峭壁插長江，孤鶩似飛燕。西引幕府巒，東接臨沂巘。

叶

翠逕入丹崖，花木繪明絢。春風三度經，每因駐雲罕。

叶

設險信無過天塹夫何患南朝凡幾更臨流發浩嘆

遊觀音山永濟寺

緣壁飛樓鐵鎖牽下臨無地上惟天須彌海水依空住
棗葉龍宮現偶然

題永濟寺別室

迴廊曲折室三間峭壁當楹澗水潺不見聞聲羣鳥唄
無塵有色衆花鬘何來俞騎茲遊剎祇合枯僧此閉關
紛跪闍黎迎蹕路惜他頓置平朝閒

駐蹕江寧疊舊作韻

寰中可數建邦區
觀勝應教翠蹕紆
山帶江襟誠劇地
家絃戶誦久名都
上遊雖遜關兮洛
偏處上聲猶羸杭與
蘇守以金湯終在德
每懷殷鑒敬惶俱

賜安徽巡撫託庸

連疆來接駕咨政
引同舟共濟義應
繹勤宣業可修老
看身益壯人實食
無浮虹宿被災地
欽哉善恤賙

賜安徽學政劉星煒

每讀菁莪什渴然思育賢伊誰與我共造士得卿肩底
藉燃犀照應如冰鏡懸觀風要達隱詎止在文銓

賦得江漢朝宗

得宗字八韻
試江南士子題

岷山濫觴泛嶠冢象天淙三澁峽流過九江川氣衝入
南垂禹蹟會北帶堯封是瀆首羣瀆朝宗惟地宗藏精
在箕斗戢浪息蛟龍來往濟商旅耕桑利士農海門滙
知近澤國勢觀重歸極保皇極吾滋絜矩恭

青溪曲三首

春水溶溶碧鏡春
烟嬈嬈輕絲遊目青溪一曲不舟也
覺便宜

柳綠籠隄欲暗桃紅照水猶妍
橋上曾留笛步桓伊遺韻悠然

流經舊內逶迤青蒲白芷
差差所勝當年何事未污膩粉殘脂

謁明太祖陵

嬋謝都闕

天運乘攘除非自本朝興代為翦逆當方革豈是因危
致允升常禁里民闌採木還教衛戶謹巡陵省方近撫
前王蹟殷鑒惟懷惕倍增

靈谷寺

蔣山開善寺移置得茲名一切有為法本來無定評閒
花明柰苑真樹護祇城偶讀前題句不牽今昔情

閱武

白下扼衝都將軍分節符百年久休養一日此陳鋪技

奏桓如虎恩頒藻躍鳧謗云循故事嬉武戒殷吾

雞鳴山

崑崙鬱鬱城北區高出城頭可望湖春風葩瑤謁臨駐
不須俞騎紛前趨扶攜老幼願瞻覲誰何無事嚴聲呼
六朝興廢則且置斯民三代寧有殊巡方詎為玩山水
鑒古益切憂勤吾

憑虛閣騁望

鷄鳴山上閣騁望信怡如北挹渺烟水南臨富井閭畫

情八窓納春意百花舒漫問六朝事還同賦子虛

題陸機宅

書堂見說昔臨淮遺蹟難尋柱礎埋蕭艾如蘭結神締

用陸機
賦語

審然何必舊居懷

東山

會稽遐憶築岡陵絲管陶情總絕勝不有佳音屐齒折

東山賭墅亦奚稱

臺城

岬岬寒城噪亂禽臺城遺蹟半荒今捨身同泰無迴志
揖盜東華可悔心帝釋天龍難救濟青袍白馬亦銷沉
慢訾驚羽流王屋廣掖當年事欲尋

題任仁發出圍圖

上駟出星闌圍人袖手看性惟貴神逸色豈繫騅驪詎
可執鞭督用韓昌黎意當從寓意觀天閑多肉脹今古致同
歎

遊清涼寺

去歲曾禮清凉山今朝乃謁清凉寺既曰清凉應一真
吾所知者已有二其不知者想更多旋於蘇文悟其義
譬如鑿井因得泉不可謂水專在是叶井同泉水無不
同妄分彼此真兒戲調御丈夫如是云是謂清凉無上
諦

寄題掃葉樓疊舊作韻

寄題憶昔詠高樓樓上春風颯似秋安得攜書萬卷坐
刪繇存實校從頭

朝天宮用蘇軾韻

玉局風流似紫薇遊吳望蜀遠思歸登樓未覺山川美
送雁因懷音信稀高觀當年知宋否西園今日姓王非
冶城不少留題者獨和坡吟倚素暉

大報恩寺

城南最古寺跋馬試重尋亦藉觀民便曾無學佛心禪
枝千載茂梵唄四天吟穹塔干雲表神遊當去聲步臨

題雨花臺

梅岡東麓雨花臺聞道談經曾致來豈識維摩不著座

爭如太白祇銜杯

李白詩朝沽金陵酒即此處

六朝坊市誰興廢九

道江流自漩

去聲

洶未審苑城偶南望可應追悔此為哉

秦淮曲三首

廢興今古付川路出入東西經水門豈慮風濤分兩派
更傳泉脈有三源

郭璞占曾逢吉兆底論城外與城中可憐淮水依然碧
王氏烏衣巷早空

沙明白渚猶籠月柳暗紅樓多夢雲欲問前朝歌舞地
幾家茅屋杳難分

賜梅穀成

無欲有精神趨迎清浦濱閉門惟教子下榻不延賓能

駐西山日引恬江國春推恩緣念舊

穀成諸子俱未通籍詢知長子鉞尚

可造就命賜舉人
准其一體會試

皇祖內廷臣

牛首山

大易坤為象南京離占

去聲

方兩峯恒角疑雙闕表天閭

盡得江山秀况逢花草芳鶴林坐調御萬古示真常

祖堂

牛首山南寺開堂說法融本來無一物安得有宗風松
蓋半庭綠花梯百磴紅片時成五字翠蹕轉林中

戲題獻花巖

有所見無成佛日未能忘是墮魔時底須開士談經致
姹紫嫣紅總獻奇

題李公麟臨洛神賦

魏帝黃初代陳王濟洛川雄詞託鯨踊遺蹟撫龍眠妙
處意無盡婉如神已傳風人有深旨所寓在思賢

再題幽居菴

金陵返蹕駐棲霞西峪幽居清且嘉窄路入從雲片石
闌春落半錦堆花水流山住露全體竹淨松麤是道芽
僧紹便存不徵聘名求名應底堪誇

遊攝山棲霞寺仍疊尹繼善沈德潛倡和韻

建業多佳山要以攝生冠聞名未見者尚爾生歎羨况
我曾命遊馳情結霄漢諸峯盡婉孌秀比總角卅幾暇
輒神交那藉圖經按泉石應好在每每縈遙戀却付忘
言僧長平聲年對塔院茲來緣省方寧圖暢遊觀獨此未
能忍吟懷吾早辦

言入功德門載尋煙霞徑颯爾淨四塵坦然遵八正調
御坐青蓮屏息不期敬緬懷平原人捨宅悟本性旅食
或乏糧之鬱隨弟慶謂僧紹弟慶符也仍住弇榆山水石足幽

勝吾聞狂狷者不棄尼山聖惜哉被季世化裁孰可凭
徒傳賜如意放浪林間聽

山之姿曰林山之骨曰石林姿既蔥菁石骨復崢嶸客盡

善誰能同那可計尋尺雲生峯欲連泉畫巖疑圻擇勝

不勝平聲擇底藉東坡帶徘徊擬遼待天籟落絕壁竅詎

槩以萬號信竿以億山靈秘其奧應謝塵凡客東麓有
行宮松軒成少息澄懷思向遊摘藻抽義脈

草藥既芬菲應遊鶴與鹿巢松風籟翻飲泉月光漉翠

華忽來過想皆避深谷徒見曲折溪泠泠自潄泚繖山
如有語未能隱者瀑以此我欲返秣馬命羣僕了知乾
惕人未可耽清福出門試迴聽澗水猶鳴筑

鳴筑清神心枉駕重攀上徑指最高峯沿路紛竒賞雲
林揖峭蒨烟江俯泱泱暢觀既云愜託懷亦戒蕩信宜
下崇椒高資遵路往揚子翦平波棹歌發清響寓物貴
不留有如鏡中象展讀舊巡編聊當抒餘想

舊編一再看宛憶倡和事長詩欲重賡幾忙則且置是

不宜作輟促成值少墜休文留林泉吉甫隨車騎一則
効負弩一則賦製芟跡殊心則同惴見興歌際明遠擬
俊逸長吉非詭異欲罷我不能匪逞藻詞儷片時成六
章用誌江山麗

駐蹕金山

百里棲霞曉策駘金山舟到日方中又成迴蹕時臨夏
每喜橫江靜戢風氣接鴻濛開遠勢峯連杳靄入高空
精藍寶帶常留鎮那見蘇公與印公

遠帆樓

梭織往來衆舳艫風恬浪靜蔽江鋪遠帆樓上延遙目

太液池頭了不殊

西苑瓊島後臨液池上有閣曰遠帆

妙高臺

玉京一峯秀浮至水中央此是最高處快觀千里長從
來無旱滯誰說有滄桑笑失中原者仍誇天塹強

金山雨望

細雨飛來箭發絃江波接上勢如連須臾雲歛千峯淨

綴目晴光會一川

三月晦日錦春園即景

名園瓜步倚江濱
綵舸凌江到及晨
梅朶落同萸英盡
麥芒潤逼菜花新
鳥言似惜芳菲意
石態全含淺淡皴
綠柳紅桃流水闊
錦春即景恰婪春

罨畫窓

塔灣行宮旁室曲折臨水致有佳趣因以避暑山莊內窓名名之

虛窓正對綠波涯
名借山莊號水齋
却似石渠披妙蹟
水容山態各臻佳

駐蹕天寧寺行宮作

江浙豫遊返淮揚
信宿留景光及春尾
民物尚吳頭
真樹絕勝古新軒
那藉修疉然思謝傳
千載鎮風流
去日梅纔發
歸時梅子青
流陰迅如此
行館暫為停
靜趣相酬荅
清機泯色形
花宮坐調御
萬古自天寧

大觀堂六韻

行館天寧側文槐額大觀省方協中正設教戒遊盤式

展九歌義匪求一已安增華稍踵事為愧不因歡

去歲在京

聞維揚行館視前巡頗有增葺召鹽政高恒入京面飭則稱建置已成不能更罷今來駐蹕實覺過華不為喜

也民力雖無藉商財詎可殫舜巡知弗逮禹德繼誠難

山東巡撫阿爾泰奏報得雨

京畿左右知霑澤早為縈情屢豫齊東撫佳音先遞到
膏滋為慶足興犁

王蒙長林話古圖

豐草長林迴絕塵清風明月自相親鏡中舊蹟閒評處
見叔明自識語不作扁舟獨返人

復聞京師得雨

去歲秋霖原隰潤前聞扶寸即堪耕何當繼澤一犁及
益切欣懷午夜并

四月朔日遊平山堂

畫舫輕移邗水濱人思六一重遊巡陰陰葉色今迎夏
袞袞花光昨餞春巧法底須誇激水

商人引水為飛瀑
激為趺突高尺餘

雖稱新巧頗失天真淳風惟是慙去聲投薪江南山可平筵望望豈

因山因憶民

閱金灣六閘書事

湖西下河東行潦患必逮運河挾以南歸江路宜議豈
嘗無閘濶尺寸未詳計譬如受以尺洩丈斯得濟受丈
而洩尺弗壅定致潰昨過金灣時切切慮莫置重臣命

踏勘

昨以高寶湖河入江之路未暢命大學士劉統勳等先行相度議以金灣加寬引河中閘改建石壩

西灣落低滾壩各條分立標識今舟次按閱悉協機宜

果如所言弊相商事解更

一一建標記灣頭洩水暢壁虎無多地鳳凰兩岸陡宜

皆姑舍是

叶

所重金灣壩壩寬河窄曩宣達實罕暢應

與疏展暨東灣既落低

事在乾隆二十二年

西灣當並治

亦應落三尺

今親臨視猶以為高命再落一尺

引河更拓寬俾有建瓴勢我欲步履

視細雨風帆利閤閤歷攬全進止授次第即今東灣低

河水流未洎云以待漲時春時漲弗至何不先抽薪揚

湯勞止沸是宜重審度亦寧執已意

欲使常時湖水入運運水入江庶湖

虛得容夏潦然其有無礙遲道則俟再商然此猶治標根源吾熟思在洪湖

五壩其故曾屢示苟其清口暢是皆可勿慮叶其如蓄
清言深中督河甚蓄而鮮致害願從吾無悔清口靳弗
拓小小煩從事信其功難成猶將患屢試

三依

皇祖閱河隄詩韻

冬官慎蟻戶河伯守龍宮無事功須建多奇智轉窮泗

州安可復

泗城舊為水圯康熙初淮溢武家墩皇
祖命築高堰之天然壩皇考繼成大工

居民得免水患洪澤僅能通

皇考成高堰

堯魏

舜繼功

洪澤湖三依

皇祖詩韻

遙天無際碧涵虛為閱金隄立以徐我有要求豈緣木
那煩里革諫觀魚

命接築高堰甄工詩以紀事

武家墩迤南湖水已到岸

皇考修高堰衛民帑帑竿迤北岸離湖築土仍舊貫癸酉幾致危易輒籌禦扞其長千餘丈運口將及半今來一再視預防慎思患一律屬運口緩急庶幾迨拊事下策忸怩懷永奠

定清口出水誌詩以示總督尹繼善總河高晉

清口湖尾間兩壩東西壩黃未奪淮時全淮此東送後始言蓄禦本由人操縱而何膠柱者甚斬折芟葑

司事者不

肯大擴清口草壩雖稱蓄清敵黃窺其意所在重平聲築實以隨時拆築恐千多費之議耳

恐費重寧使漲高堰五壩漏卮供高寶曷能容下河災

可痛於是議出江徒紛如聚訟釜底不抽薪揚湯審何

用悉心求其策洪澤宜騰空高堰今出水七尺五寸中

如增至三尺清口仍弗動叶設再增一尺開十丈洩洶

叶遞長遞拓寬殺去聲漲利應衆奚待出五壩而始拆倥

偲秋汛過弗漲收壩資禦控秋汛後洪湖水勢既定即應如常接鑲口門或二十

大至十數審機在專一圖便戒旁綜有過願分任其功大皆可

不勞頌

渡黃河作

江浙返巡蹕清黃渡水郵往來恰兩月

慈壽秦千秋川濶氣雄亘風恬浪細流馨香慙去聲明德

錫佑每蒙庥

河南巡撫胡寶琮奏報得雨

豫省昨秋澇麥秋九廬懷欣觀尺牘奏普被一犁皆多
稼知猶遠吾憂寧有涯宵衣籲

天佑六幕永調諧

命疏濬六塘下游詩以誌事

大河迤北窪宿

遷

桃

源

清

河

沐

陽

海

州

六塘為之經其

緯諸河在歲久或淤滯暴漲屢致殆所以三度臨民瘼

曾未改是宜事髮剔地廣艱乘載叶諸臣命往勘詳酌

期無悔具圖如指掌進止取有待展寬及去淤增低補

薄倍其鹽河滾壩啟閉定準楷商利蓄固否民利消毋

乃仍責成監司

向無專司今命移駐同知一員特司啟閉閘壩事

相機理莫怠

集思廣忠益所期民樂愷佇望起瘡痍慰予此風採

撫沈周杏花並題以句

老沈粗豪寫嫩葩

周自跋在慶雲菴看杏花為主僧天泉作其枝用渴筆寫意著三數花媽

然生氣遠出

興來偶仿一枝斜繾懷春館吳雲隔

圓明園杏花春館為

四十景之一杏花最勝

孤負東風幾樹花

御製詩三集卷二十三

欽定四庫全書

御製詩三集卷二十四

古今體八十七首

壬午八

命莊親王率衆護衛

皇太后由水路還都是日分程減從取道徐州閱河詩

以紀事

有序

江鄉披

輦三春

燕喜方申淮甸迴鑣四月清和乍屆惟念舍舟遵陸將
循置頓於齊燕以言

晏起早眠莫若潮迴於津潞冀奉

萱幃而增豫宜從

蘭舫以安旋親藩夙事前驅禁衛分番按部幾程德水

浹旬視

膳恰逢半月仙園仲夏承

顏伊邇敬侍

登艫之候爰摘弭楫之篇

慈壽今登七袞餘奉遊江浙

意怡舒禮成展義還京國志切觀河邁沛徐春序無妨
今逮夏舟行自較

逸於車親藩扈衛遵川路半月言違謁

起居

至德州日水陸程適相
值當於行宮問安

安瀾

龍王廟疊舊作韻

保障觀徐郡

崇祠臨大河載瞻循路便

篤祜固隄渦去歲楊橋驛初冬瓠子歌合龍真是速

錫祉此無過銅沛今稍幸

自丁丑命增築徐城石隄戊寅又築徐州北岸新隄河身

刷溜既深凡徐屬銅沛迤北至東省嘉祥魚臺汙田以次就涸間間生計漸復耕桑閱幾何安

濶欽

聖勅繼

志祝恬波

渡黃河至徐州作

丁丑省方至流行災實寬千般謀救濟

是年銅沛被水為劇既命衛城

土隄改建石工復留侍郎夢麟等會同督臣尹繼善修治荆山橋一帶各工俾資醞澹且值災餘疫作並增給賑糧藥餌窮甿藉以少甦午夜切辛酸旋轉蒙

天佑閭閻茲改觀石隄衛城固

河瀆渡舟安民謝重生幸吾懷痛定嘆然寧不為喜今

日應

去聲

加餐

惠佑龍王廟瞻禮

有序

徐州地扼呂梁當大河之衝屢遭水患丙子秋孫
家集湯口郡屬田廬益多被淹浸丁丑巡蹕臨勘
既分遣大臣等繕治上下各渠顧城北護隄仍土
工之舊難資輦固命悉改甃以石事集而利永抑
神貺實嘉賴焉勅所司建

祠雲龍之岡用昭祈報壬午再蒞

升香展敬而系以詩

設教資

神道明禋著六宗城闐祈輦固

廟貌與春容

帝惠惟專佑吾心敢懈恭洪波籲恬壑萬古鎮雲龍

題放鶴亭

昨甫浙中吟處士今來徐下緬山人一般放鶴留高躅
舍是更當誰與親

遊雲龍山作

大彭作鎮迴超羣蜿蜒如龍蹏隼雲自是氣求詮易理

不妨幻住悅聲聞土饅頭下老亞父石綽楔前狂使君
千頃麥田民氣復絕勝前度此為欣

試衣亭再用蘇軾韻二首前章詠古後章即事反
前詩意

放蕩雲龍試點衣故人赴選趁行暉臨岐那忍忘京國
一片心隨去馬飛

稍喜徐民足食衣馬頭莫漫頌宸暉前巡惇狀猶滿眼
祇覺流陰迅似飛

黃茅岡戲成口號

黃茅當日使君狂
突兀猶存百尺岡
縱酒放歌且攜妓
即今寧不挂彈章

題文徵明溪亭對語即用其韻

草堂點筆趣偏長

徵明自記云寫於石湖草堂

我甫行春別石塘
緬

想高人清晤處
雄談豈涉世炎涼

蘇隄

通守彭城聞昔年
長隄亦得號髯仙
漲波未到麥芒綠

絕勝西湖花柳妍

閱徐州城西石隄

城北由來有石隄，加長五百丈。延西依依萬井眠，宵穩

業業崇墉出水齊。凶歲經營還代賑，

丁丑夏即興工，代賑救濟頗多。

洪

波緩急，賴相批。即看綠野耕桑起，保障千秋永福堤。

河北孤山新土隄成詩以誌事

河至徐州窄，此實限於地。所以夏秋汛容川，每艱致北岸。未築隄是或有深思，蓋欲聽湯流聊為燃眉計。然聞

河貴合刷深達海遂縱藉餘波廝忘慮沉沙積即今微

山湖南仰已明試浸淫金

鄉

魚臺

沛縣

無歲不行沴南

岸石隄成緩急庶可恃

叶

三縣

金魚沛

均吾民可弗為籌

逮重臣自都遣經營排衆議

戊寅夏命尚書劉統勲來徐相度築隄河員尚墨守

留洩湧水之議以束急易漲為疑統勲持之甚力遂定議築此隄

起自大孤山迤西接

舊墜大孤至蘇山亂石壩權置亦足洩易漲沙存任水

去

叶

渡河閱告成衛田誠愜意數年頗獲收民氣較前

異懃懇事下策益復增吾愧

題黃樓再疊蘇軾韻

每遊黃樓必有說風流玉局前茅發到斯欲罷乃不能
把筆先愁韻險滑野亭且置試衣衫九日緬懷洗韡韡
二語櫟括東坡詩意望猷幸過守孤城痛定歡容綠酒呷賢守勤

民應若此河復為雲欣舉錡丁丑事蹟略或同休我生
之戚我殺較於刺史有甚焉其奈行災煽羅剝千方救
濟不遺力旋轉終賴鴻鈞軋今來閭閻頗改觀敢井賣
蒸酒槽壓載登城閣得怡情黃水迴環碧山鑿千村喜

觀起耕桑百里相聞有鷺鴨一杯遙酌老東坡何必高
情寄清雪

渡黃河作

兩日雲龍駐四番來往經

遇河駐蹕雲龍次日閱城西
石工畢復渡北岸閱孤山新

隄仍溯流而迴今
始渡河就陸北旋

鴻川常戢浪

巨瀆信昭靈捷石希安奠辦香詎德馨

凡渡河所司備
綵棚辦香致敬

舍舟遵路驛封牘奏

慈寧

荊山橋

三里長橋開孔多

橋凡一百五十九孔湖河之水由綠孤山茶城等處經橋下東入運河

芒千頃浪婆婆漲波未至春膏足且喜農民獲麥歌

詣

闕里瞻拜疊丁丑舊作韻

過魯嘗聞祀漢王

師尊萬古帝兮皇斯文未喪真成慶違道以治

平聲必致

殃六籍俱存猶望港五年又值此巡方

天庥獻馘曾於泮載和籌邊昔歲章

丁丑過闕里時
尚未秦凱班師故

有在泮行歌
載戢章之句

駐蹕古泮池

此地非常地新城即故城

按一統志載曲阜故城在今
縣東十里故丙子駐蹕詩有

十里東郊舊魯城新城安得泮池名之句今細考縣志
所稱新築縣城乃明正德七年移宋祥符間自此徙去
之城耳其宋以前縣治原在此蓋新築隘而故址寬土
人傳聞率多歧誤且考水經注所紀孔廟泮宮方位近
遠其地亦當在今行館之地
丙子所詠失之未精覈也

館仍今日駐池是古時清

栢矗叅天翠花攜入夏榮獻功久保定虔鞏凜持盈

謁

岱廟

時巡指江國致

祀遣春官茲取迴程近親瞻

祭席單大生功配

帝如在

貌臨壇肅拜無私禱抒誠心始安

戲題環詠亭

廟旁精舍小，逡巡瞬息流陰十四春。

自戊辰題句至環今閱十四年矣。

壁苔華泐羣詠幾成五色目迷人。

粗閱數首無一佳者。

題漢柏

遙望嵩山結昆仲。

嵩陽書院漢柏昔曾為圖。

近臨西院是雲仍。

廟西院有。

唐槐大椿歲月猶虛擬，萬古塔垣永瑞凝。

登泰山作

欲笑相如逢漢武，更非張說諛唐明。却因瞻彼巖巖象，便以暢茲坦坦情。或馬或輿遵棧路，宜詩宜畫入仙京。

齊州九點煙中辨益切憂懷保泰平

登泰山五依

皇祖詩韻

春巡南國孤紆蹕按轡高山仰馬頭可匹何曾吳嶺見
既成乃復大江浮便教一問峯兮谷未許多勞里與州
清曉載登午言降那因勝處恣耽留

五嶽之中宗首出誰能昆脚與皆頭神傳杜句真稱獨
象擬韓文信不浮結攬

聖情昭泰麓照臨民隱遍方州繼繩今日伊余責敢不
聰聽一意留

登玉符山極頂作歌

初春晝短景易闌復慮高處不勝寒即今清和駐蹕早
有山罷登孤素抱內豎肩輿攀巘羅更弗松下鳴梢訶
絕頂放眼一千里犂雲鋤雨何其多東山小魯泰山小
天下我則何敢凜乎御六馬惟有祈年意非假與民休
息孜孜者雄辯那須誇炙輠返吾勤政延儒雅

即事二首

禾黍芄原麥秀町期符十日雨常靈觀民露冕真有喜
千里齊郊滿目青

燕趙農功行按觀豫郊霑澤為憂寬更披晉撫德音遞

四月十日山東河南
直隸山西同日霑澤慰即不無敢即安

至德州詣

皇太后行宮問安

川陸郵程會德水

起居今日覲

慈雲御舟敬悉

適眠食半月縈懷一旦欣

新城道中作

麥穗秀將實黍苗吐欲齊農功日逢好土吏語堪稽

地方

大吏雖屢報得雨日觀方慰

餅賤昨年冀

去歲賴麥大熟秋霖雖

沙

乾復雨溪

北地易乾三五日不雨即起塵問農人云其下仍溼然為之望雨矣

西成尚遙

在祈望正長兮

復雨

五月初二日

昨日晴暘無雨望青郊歷覽心已暢思量復雨當更佳
夜報輕雲翳天上平明趁爽催歸驟雲濃旋灑煙絲霰
涿鹿之野五十里時疎時密均優霑都中迎鑾人畢至
王公大僚及羣吏哈薩陪臣列末班雖溼衣裳同喜意
行宮駐蹕延諏詢咸稱膏澤今春頻此雨既渥麥方秀
定期稂穗盈倉困入夕滂沱勢未止垂簷琴筑鳴銀水
甫纔生冀得快霖祇覺傍徨益怵已

南巡迴鑾駐蹕圓明園作

快雨兼欣值快晴迴鑾益覺愜羣情元亨四閱月時序
信屈六千里路程幾政宜勤取騎速

慈闈圖逸御舟行三朝儻指還

仙苑正喜金萱映砌榮

端陽節觀龍舟

天中序正返南巡霽日薰風節事陳湘浦湯稱弔騷客
貴山況至有陪臣

時哈薩克阿布賽使
陪臣請安因令預觀

已欣麥穗連塍

秀恰看榴花映座新按隊龍舟原不競雖嬉意欲化民淳

題姚綬江南春雨圖

江南春雨今春好未致溟濛屢日連也自濯枝還潤葉

大勝辛歲與丁年

前兩度南巡陰雨日多今歲晴雨應時不誤農功復宜遊覽

多人

豪飲非殊地

見姚綬自識語

逸史清圖亦在船笑我歸來方一

展翻飛興復到江邊

題飛雲軒

何曾寫霧出楹楣每喜非煙蔚砌墀設問高軒存所樂
飛來飛去要宜時

延藻樓

假山含峭蒨層室納烟雲泉石非今調詩書有古芬隨
緣堪靜會所遇得幽欣不擬摘毫詠當前大塊文

竹密山齋

愛竹緣他君子節構房疑此渭川濱來如讀畫領神韻
坐則翻書晤古人

恭迎

皇太后駕至暢春園駐蹕即事誌喜

南國

臨山常却輦北京

旋蹕日乘舟

輕輿趁爽來仙籙快馬詢

安謁道周

慈豫都因看好麥薰風恰正綻芳榴

高年食履增康健願奉

徽遊億萬秋

題夏珪長江萬里圖

出峽巴船險

是卷柯九思題為長江萬里圖後流傳至高士奇家自識云卷末三跋為人剪去因

讀吳萊題袁子仁所藏巴船出峽圖似與此合遂名之曰巴船出峽且書吳原詩於後

行開萬里

航細流因不擇首瀆遂成長

四瀆以江為首

商賈風波地士人

名利場開中看冷筆心洗定何妨

雨

五月初十日

麥可登秋黍種齊曰暘曰雨總宜兮芳飴已喜綠瓊薦
嘉澍又看銀竹低愜意農占越乾惕潤眸煙景特淒迷
美中未免猶生望宣化山田待一犂

畿輔屢報甘霖霑
需惟宣化近奏得

雨尚未
透足

戲題春雨軒

南方春雨欣逢少北省幸歌春雨時謾道今年景頓置
倚楹猶是眇煙絲

含韻齋

書齋額含韻

聖藻燭文費肯構益覆已

歌雲敬緬卿叅軍惟俊逸工部獨崢嶸綺語渾餘事

高標風月清

題太虛室

就樹為齋倚碧峯
泮然滿院翠陰濃
坐時頗覺胸中合

遊處當於道外逢

莊子道不遊太虛

琴薦墨壺都帖妥
天光水

態儘冲容飛來德壽青蓮朶

青蓮朶即藍瑛梅碑畔石杭城德壽宮故址辛未南

巡後地方吏不請命而致京
以成事難却置之此室前

辭却梅英伴老松

片雲樓

溪上小樓號片雲龍泓一例靄氤氲

一片雲為龍井八景之一

升樓

疊石為階級朶朶英英蔚莫分

活畫舫

堂高廉遠屋之常近水廉卑偶學航深廣恰依歐永叔
沿洄何異米襄陽春風秋月有真趣波態煙容無定方
竭展石渠棄幾暇清河仿佛品題張

雨泛

五月十六日

麥收將屆黍田滋此際晴宜雨亦宜
密織棼絲徐盪漿
恰如煙泛聖湖時

午熱蒸為雨亦神傾江倒峽不逡巡
西風捲陣須臾霽
爽落晴峯更可人

漢玉穀璧

姬周分爵秩炎漢遞流傳
貴道十端備中規五寸圓
琢磨具精詣庇蔭有神權
嘉兆占多粟寧當槩與捐

題趙伯駒弘文雅集圖

弘文開館例文學

太宗立文學館以房杜等為學士當是為秦王時向曾有詩譏之唐書選

舉志稱太宗置弘文館增學舍至千二百區則已即帝位之後故此詩有美無刺

尚有登瀛當

日仙魚雅依然稱十八風流真足傲三千請看兩相調

鈞軸詎止諸人耽石泉退食委蛇傳美度王孫繪事寓

思賢

夏日討源書屋

春永壽萱開

壽萱春永母所居殿名也

聖問

安承喜迴苑牆非隔遠書屋便因來祇勵勅幾志寧誇
詠物材分明閱歲景彈指訝疑纔

昆明湖上作

山景都來水面鋪幾餘耐可泛輕艫柳金桃綺春風夢
蠶陌鱗塍耕織圖三島忽疑移北地六橋原不異西湖
騁懷遊目真佳處較禹翻慙無間吾

清可軒

北山早識幽居有南國遍遊勝地無夏屋含涼幕巖壁

芳馨仙草翠紋鋪

題寄瀾堂

飽看南邦水態迴書堂仍俯穀紋開恰如明聖教傳語

一派西泠寄得來

堂之南為小西泠過溪長隄則六橋直亘昆明湖

西直門外

致齋因復返彤闈曉日輕輿歷近畿麥欲登秋禾黍長
目存所樂在民依

邇來晴雨真時若麥稔還贏去歲佳去歲秋霖偏致潦

為茲怵惕敢紓懷

養心殿齋居對雨之作

齋戒企

神接靜正希心養雲湊飛霽來氣滌朱明爽
鴛瓦俯垂溜雞樹仰承響繼彼田野間多稼
如助長未敢即怡慰對時玩物象施命體含
章繫柅慎攸往

題趙孟頫萬柳堂圖

久聞城外有廉園今日宛看圖畫存求媚羞
為右丞相

傳真却賴昔王孫舉杯有妓方當席

希憲於堂中張筵有妓劉名解語花

舉杯歌曲故孟頫詩有游女仍歌白雪詞之句見樂全堂廣客譚中

策馬何人復到門名

勝江南尋欲遍笑予失遂似平原

賦得正誼明道

天人三策對帝命相江都爰致卒然問惟陳卓爾謨道
明功豈計誼正利休圖試譬魯誥柳堪知粵伐吳羞稱
五伯詐較識一仁無終得驕王革何妨諛相誣政經真
法訓漢室最醇儒詮義書屏展將為出治模

夏至

北郊禮成述事是日雨

澤祀寅承歲不違連宵達曙雨絲霏仍茲對

幕欽端冕敢曰需裳換製衣樂奏林鍾宣以鑄

大樂始備鑄鍾

黃鍾律元以辛巳
歌林鍾應律則

南郊入奏今工
方澤初肆新宮也

祉繁

富媪卜如幾贊儀百辟胥頒賜

是日以雨陪祀王公及
執事官溼衣者皆命賜

紗其壇外著製
衣陪祀者不與小惠權衡亦慎微

喜晴

閏五月初二日

三日連陰雨既渥虞過多麥屆登場時踊慮迴青科卜
豐勝去歲實穎塍間羅將得失更惜展轉愁懷加叶巡
簷眇天際翹首遠山螺今朝乃快霽膩雲徂無何九夏
喜朱曦宜暘暴南訛愁深慰亦深物色胥含和益勵祈
農心寧云勞者歌

宣化奏報得雨口號

宣化山田報渥霑雨絲傍晚復廉纖一為望霽一為慰
愜意安能獲兩兼

夜雨言志

兩日方喜晴四更復報雨麥收尚未畢切切縈愁緒餅
餌近可期夏秋望登楮客歲秋被澇賴此庶少補將得
設致失吾民其益苦反側不能寐簷聲厭如注叶言念
春徂夏時若近遠普或吾志因滿而民則何咎叶慰多
茲小愁敢謂難寧處惟籲速放晴青黃接二鬴

喜晴

雲勢徐開午放晴變愁為慰意猶怍思量點筆酬佳霽

復慮寧無近滿盈

批摺

齊東西及河南北麥已登倉報雨佳批摺原稱欣悅覽
仰觀雲作劇愁懷

即事

雲作生憂雲去喜忽忽繁慮過旬朝壁間憫旱詩閒讀
好惡心殊壤與霄

霽華樓

傍晚快晴定山樓登霽華魚鱗消薄靄鴉背爛輕霞稍
釋愁霖嘆敢言即景嘉浹旬希例此庶慰上農家

扇薰榭六韻

敞榭式文扇扇

平聲

薰因與名如常張月半不動致風清

寧渠玃六角端知勝五明竹聲搖處爽花影畫中榮曰
禹慙無間緬虞企載賡階泉奏琴韻解愠切予情

賦得會心不遠

琳池圍綺榭鏡影澹涵空曲以雲廊達翳然巖木籠遙

情歸靜寄造物是良工結念休三島傳神有六通華林
湯相擬鉅野訝堪同曰我會心處義經无妄中

荷香亭

去歲淤泥纔種藕今年憑檻藕花開濂溪卉裏稱君子
雅叶菁莪樂育材

石鐘乳

新出西山嵌穴間人或不識知其為石鐘乳因題
句

千年石鐘乳幽穴葆其光涌脈資銀氣成形本玉漿一
朝現山腹幾簇別崖床鳧氏難為鑄音梗人未解相桂
林寧獨占蟬翼久稱良詎擬玕瓊玖堪因悟顯藏

題陳裸洗硯圖

陶泓三沐更三薰袖手臨流看墨雲

此幀乃裸為其友陸子垂所作陸故

有硯癖屬為寫圖然後買山而隱語具裸跋尾中

便欲買山此長往由來巢許

未曾聞

題藏經紙扇

矩不以方圓弗規圓方合撰橢形為色如栗子尚瓊擬
質則滕胎受墨宜曾是法華書義道莫猜道德換義之
深堂無暑何須此意寓披薰念在茲

雨後昆明湖上雜興四首

江南五月喜黃梅冀北惟愁雲不開遠喜安能近愁易
快晴忽訝過旬來

暴漲雖消水尚肥水風涼拂葛紗衣一天寥朗漪紋澹
入影西山疊翠微

稻秧益蔚千方秀麥熟還期一半收從此晴如過廿日
黍禾額手卜登秋

御苑池荷大作花明湖出水始含葩湖深池淺異遲速
理趣當前不在遐

治鏡閣

治鏡湖中閣今年初度來有舟方得到據座不思迴山
影新青倒波光潤白開三層樓適可莫訝九成臺

愁與膩雲散詩將快霽來畫圖生以動鳬雁往而迴育

物心無數時
睎眉始開長
唵鏡中坐
溫嶠若為臺

夏日玉泉山

湖洄靈沼靜
明通艤棹山
泉騁目窮
花月夢過麗
春節軒窓涼
受好薰風一
時攬結忘言
表昨歲光陰
想像中半月
愁期半朝遣
尋思無逸惕
淵衷

翠雲堂

喬枝結圓蓋
過雨翠猶濃
色不隨花易
聲宜與籟逢
撫餘真却暑
望處那藏峯
柱下如相遇
人間湯擬龍

竹鑪山房試茶二絕句

臨水山房松竹娟竹鑪茗椀護清便偷閒來試新龍井
就近偏欣第一泉

品遍江南幾品泉祇堪繼武鮮齊肩愁霖廿日剛逢霽
藉此無悰一與湔

登心遠閣極目

玉泉最古閣岌崑倚翠巘喬木佳陰森滄池澄照宛俯
仰得清會徘徊繹道甍雨歇徂雲淨暑滌涼風滿收麥

治圃場鋤禾紛鍤畚千里興農功吾心與之遠

望玉峯塔未到

心遠閣已玉峯半塔猶峯頂欲登憚適百里者半九十
方知此語真無間一時騁目託遙思扶欄拾級何然疑
肩輿坐看揮汗者彼人子也勞奚為

棲霞室

倚巖三架屋顥氣接鴻濛浙左賦曾讀江南名偶同虛
來自生白起處亦標紅今昨攝山況無殊一瞬中

漱瓊齋

復降尋崖際水齋坐漱瓊何來金石響絕勝管絃聲不
舍科盈進有源渠自成底須三百丈一例滌塵情

影湖樓

登樓每有喜晴詩閱歲初來又一時幾片流雲共愁散
滿空快霽與心宜玉峯塔影玲瓏矗裂帛湖光挹注資
既到居然得源處異同今昔念奚為

苦雨

閏五月
廿三日

三日幸晴一夜雨晴之喜不敵雨苦歌枕反側那能眠
擬擬響鎮騰簷招物價踴貴甫畧平定知依舊居奇賈
安能概禁近利人行潦車艱彼有據叶帝京食指萬萬
家怨咨寧免多悽楚出米平糶救燃眉他難遍及惟小
補北方愁旱鮮愁霖風土固然我恒語邇年愁霖弗愁
旱去歲秋亦澇未經慣益增繁緒洪範咎徵一曰狂自省或
懈無逸所

御製詩三集卷二十四

欽定四庫全書

集部

御製詩三集卷二十五
六五

詳校官侍郎臣謝墉

助教臣常循履勘

總校官原任中允臣王燕緒

校對官中書臣蔣寬

謄錄監生臣周文彬

欽定四庫全書

御製詩三集卷二十五

古今體一百二首

壬午九

六月朔日喜晴作

幾片徂雲散若流今朝始釋苦霖憂
晶熒日朗消霉礎西北風來入小樓
旋轉初辰幸如願徘徊彌月憶從頭
積羸廿九曾何謂不閤餘閒祇閨愁

日影

綿雨彌月過赤曦應朔開昭育德既盛朗照光亦燁散
鬱有獨神除溽無不暎金翼稍南飛大火將西回雲片
祛已淨日影漸轉來望久忽遇之寧弗欣我懷徘徊展
我鏡依遲上我階宜暘信美矣流陰何迅哉鏡中幾點
星愁霖添以纔

納翠樓五詠

鏡水

小樓曲榭蔽臨池樓上開窻影鑑宜却悟鏡雖能照物

要於用貴合其時

屏山

法在倪黃伯仲間
假山歲久似真山
橫陳謾議艱
舒卷朝暮烟雲變態閑

松風

聲在天風觸在松
無過假相去聲偶相平聲
逢懶稱往事
陶

弘景一掃嫌他尚有蹤

蘿月

蘿葉森森蘿蔓垂無端月入影參差岸樓設擬虛舟艤
恰似浣花點筆時

靜觀

屏山鏡水皆真綽蘿月松風合靜觀但是偶然聊寓意
一思無逸怵難安

賦得涵虛朗鑑

天水涵虛處襟懷朗鑑餘際空常澹澹照物祇如如目
遠隨飛鳥心閒遊戲魚碧猶喜雲斂紋不藉風舒信是

得神畫堪通論政書憑闌適幾暇絜矩每開予

恭奉

皇太后御園賞荷作

南巡甫迴蹕彌月值愁霖晴定農民慶荷開

聖母臨得申歡養志久

鑑敬勤心試聽龍池樂都成角徵音

悅霽亭放歌

六月初六日

四日快晴始慰然昨夜驟霖復悵惘詎予無屋足避漏

心切小民怨咨想今朝此亭信可悅大霽虛明怡萬象
旋愁旋喜毋固必或者予衷失涵養觀過知仁緣塵農
自解自憐自偶賞

湛然室口號

如鏡空明如水澈物形不示照隨來謾言假藉虛題額
此室何曾定見賅

覽尹繼善摺奏江南望雨因而成詠

閏夏京畿彌月陰江南正復望甘霖莫非予土思時若

艱致所思皆遂心

巡檐甫過苦霖憂
閱摺翹懷霑澤不置筆
仍希久晴好望多安得
不生愁

詠和闐玉鳧魚壺

和闐綠玉尺五高
纏頭歲貢屬以包玉人
琢磨精釐毫漢銅鳧魚
壺製標魚泳鳧翔圍腹
腰不惟其肖其神超父
已商丙辰周相為曹事
不師古厥訓昭無能擲
山學神堯熱海砂礫間
棄拋來賓翦拂成珍瑤
席上之珍何

獨遙

愁霖

六月初十日

六月雨時行久晴安可必閏五已澇麥大田烜賴日難
禁更漬霖雨輒心憂慄前日甫悅霽無何復雲出雖未
即霽霖溥潤鮮乾室昨夜轉大作侵曉陰猶密廣厦或
致漏比戶怨倉卒無計俾安處况慮農功失繁露以鼓
攻迂緩嗟儒術祈晴詣玉泉責已寧從質

詣玉泉求晴

六月十一日

早來求雨澇求晴事異同歸重穡情古廟千秋

神佑永泰階六幕我慙生澤惟時爾多惟沴望固奢哉
心固誠

天德好生資翊贊願收雲勢放曦晶

晴

迴舟猶澍雨到苑漸開晴詎是予誠格由來

神貺明所希旬日霽庶可晚田耕

天鑒欽昭赫滿盈志敢萌

復雨

六月十四日

連朝爽霽逢昨晚殷雷震雷而幸弗雨徹夜陰晴訊星
斗燦達曙質明霧來迅曉霧常占晴此語殊不信始猶
散細腳繼乃霈暴陣可憐兩日暄得未償失分民怨咨
誰致我過任豈吝坐立胥弗安展轉庸可遜過午雲勢
開徬徨慰且愁十日指期遙五字吟遣悶

禱興

北地旱實多愁早我其常去秋今夏澇愁澇新試嘗其

常却慣經新試轉難當分劑各殊致聊復言其詳旱如
望遠人既至心怡慶未至亟望時無過憂傍徨澇如剥
牀膚切近灾堪傷未離去聲正劇際其苦難推忘以此例
旱澇厥愁易較量浩浩氣方來撻撻聲未央雲師何不
仁旱時惟深藏澇時乃乘勢大為吾民殃
天德本好生無往不復臧百神胥受職悔禍庶降康要
之均我咎調幕無良方

喜晴

六月十七日

三朝晴已定方敢喜云然愛見炎蒸日均叨廣庇

天悔予言或戇幸此運將旋亟命借籽種俾毋誤晚田

討源書屋即事

問

安每此退疇咨半夏常愁對雨斯三日連晴收礎溽樹

蟬聲亦覺鳴怡

味閒齋

山陰有室窈而虛偷暇聊圖繁慮紓設問味閒何所味

祇宜閒者未宜予

題澹寧堂

窻涵背水白戶對面山青觸目樂仁知因心契澹寧志
明淨波澈遠致聳峰亭交養動還靜相忘色與形取名
緣蜀史玩象在羲經敬憶

含飴處

堯文此式刑

予十二歲時蒙
中於暢春園內

皇祖恩養育宮
賜廬曰澹寧居

構虛軒口號

峯頂虛軒接顥空別峯紺宇鏡光中儻來構思於何會
縹渺依稀正復同

漢玉螭壁謠

崑山璫玉良工鐫

赤玉曰璫
又曰璫

雙螭升降交蜿蜒食清亦

弗遊濁焉似浮碧水偃蹇蟠乃知以璫

碧玉

為質堅尚之

瓊英絢則然否則佳城血浸殷出土不知伊何年文木
作架陳書筵穆如與古相周旋

仿趙孟頫梧陰高士圖用題趙句元韻

不必七絃攬琴音流水彈傳神非阿堵師意試臨看

泛月襟興用陸游詩落景餘清暉輕橈弄溪渚以

句為韻賦詩原韻

北郊敬躬行冒雨出閨郭五十餘日中愁霖日索寞其
間豈無霽膩雲時作惡晴定茲稍慰星漢泛廓落

迴憶春南巡歷閱江浙境水鄉偏少雨花柳弄晴影松
自屬棲霞石應讓龍井謝屐不沾泥一一窮佳景

佳景固亦欣所欣在耕鋤麥綠菜花黃香風攬轡餘青

齊及趙燕一例民安居春蹕實未負得詩率已書

得失詎有常古語譬凡荆歸來兩月間嗟哉滂象成浩
浩泥滿塗車馬跡為清奚怪怨咨民貴糴艱釜烹

望後霽三日漲水退石磯鵲噪晴可卜蛩吟秋欲歸我
愁亦漸去去并徂雲飛適可漾蘭舟高樹猶斜暉

斜暉漸下春旋與西山平金烏入寥朗明當雲不生以
此稍慶幸其餘胥所輕莫認徒清遊穉事心中橫

福海一百頃

御園東池為福海
皇考時所命名也

周遭十一橋卧波白

驚眠戢浪賴魚跳風從西北來秋意已蕭蕭乘涼貴紆
徐何必催鳴橈

滄池如顛腹容物殊空洞逾望月上遲東林徒目送初
更金繩吐掃却煙花夢謂我過時賞是為誰所弄

忽憶孟襄陽輕橈泛耶溪放翁與之然水宿友鷗鷺以
句為韻語淨明如玻璃即景聊仿為非欲較高低

望晴懼滂間倏欲餞殘暑連朝朗霽天自此庶不雨麥
芽已失困黍實冀堪杵夜風拂星羅歸舟遵曲渚

立秋

六月十九日

閏後節常早秋前報立秋金行先十日火德已西流風至頓含爽雲徂不欲留晚蕎全種未愁過冀消愁

題宋玉鸚鵡銜桃杯

相傳孝宗製以進德壽宮者

江山半臂宛中分那處飛來鐵馬羣製器已看鸚鵡啄
侑筵想對綺羅紛兩宮慈孝且相誦五國淒涼不復云
德壽良辰醉梅石一杯可到岳王墳

新秋玉泉山

昨日西風勁夏雲散以無晨涼適尋勝秋意若斯夫溪
鳥繁絃奏山花襍錦鋪白藏工繪事著眼在高梧

創得齋

創得得來久山清水復明怡遊今歲始正值曉秋晴孔
席何曾暖歐辭特有情尋聲逕前去覺亦稱斯名

擷翠樓

今歲玉泉幾度來愁霖望霽每徘徊山陰一曲茲初到
阿閣兩層窻正開興在林間誠偶爾恐妨政務轉忤哉

重重翠色增濃潤憂樂惟人自取裁

乘涼登玉泉山絕頂

玉峯雖不高特立自為頂是日秋風佳趁爽躋層嶺嶺
巔有疏軒遊目興懷永南巡返蹕來七旬駒隙影愁中
瞥眼過晴定茲微倖黍苗救半收稻秀芄千頃嗟我上
農夫努力期實穎用茲稍自慰希夷寥廓境舍利塔當
庭示我觀平等

題麗矚軒

高軒峯頂若鸞翔
騁目無遮極渺茫
秋色秋聲虛檻外
遙飛逸興到山莊

罨畫窻

朝暮煙嵐變莫窮
試詢此畫若為工
分明巖室霞標左

避暑山莊霞標室
其東曰罨畫窻

祇欠錘峯薦入中

涵漪齋

白屋碧波瀆虛明
天水分閒來堪閱
世風到自成文苦
雨愁何在對晴且
復欣荷叢雙翠鳥
飛去帶餘芬

題倚晴樓

高樓今歲原初到所喜憑闌恰倚晴雲不稱閒綠盡歛
日雖婪暑已饒晶黍田卽漸添黃色梧砌分明遞颯聲
兩月愁霖詩句減撚鬚頓覺揆毫生

練影堂

濺沫飛巖練影明以空為色寂為聲司空廿四標詩品
流動如斯可入評

影湖樓

湖水清無滓湖樓高有天快晴宜入影是日共澄鮮佳
句於中得閒情率與蠲劉郎真可笑海上覓神仙

王蒙秋巒夕照

溫潤神情秀拔峯溪橋策杖有人逢底知夕照秋巒表
幾點丹楓間老松

竹密山齋即事

暑雨今年恒弗時便宜綠竹放新枝愛虛欲識箇中趣
圖密仍從他處移屢望孤梢風却寂乍嫌低葉露常垂

麥無黍歉蕎纔種爾竹雖佳亦底為

偶題池上居

憂霖半夏太無聊
皎日涼風霽接朝
始覺秋光略可悅
恰看愁霧與全消
砌蟲鼓脇鳴方響
埭竹擡頭意亦超
四壁多粘望雨句
此情秦越異遙遙

夜雨

七月初三日

晴剛欣半月雨
又報三更那得高
眠穩真成畏事驚
顚停傾盎勢厭聽
落簷聲曉起增繁
慮無他祇望晴

雨中西直門外三首

御殿因之返帝都雨中策馬跋泥塗致齋歷此方微倖

五月廿六日 兩月傷霖頓爾殊

久晴不足敵久滂今歲滂灾實異常昨夜茲晨纔細雨
潤連沮洳已湯湯

低禾高秫都傷沴破壁頽垣不可看却繾江南方倖澤
一時攬轡感多端

天慶宮像元劉鑾塑

南雕北塑古所傳大都神塑猶存元名手劉姓元與鑾
東嶽搏換稱元賢茲天慶像鑾坯埏棟宇剝落像巍然
呵護丁甲其敢延為新棟宇丹雘鮮像弗增易如故焉
是日路便展禮虔高居上帝絳節翩侍臣儀從飄乎仙
曹司聾啞解事艱斯非曲欲為其難以神喻人至理存
一絜矩乃為心寒

鏡清齋卽景

新秋方一來細雨亦已止池荷有餘芳巖樹無雙美雲

意猶戀晴波光早見底卜度心靡寧那識林泉旨劬哉
祈惟年慙矣鑒乎水

鏡香室

玉鏡朗披光波香細遞美秋來花事闌紅芳欲染紫我
聞漁溪翁是卉方君子花或可逾時人逾時老矣我有
用人責觸境懼乎此

畫舫齋口號

畫舫黃緣接鏡清來遊因便俯池楹米家煙雨非所賞

愜意端知在快晴

抱素書屋

擇勝構書堂周遭帶碧塘
開窓玩芳艾得逕自脩篁
匪所誇丹牖允宜貯縹緗
因之悟禮後揭妙十賢商

道寧齋

北俯液池水南含瓊島
陰自然成道趣何不可寧
心得要神機契入微秘筦
尋况今武保定益切旅葵
箴

長河泛舟至鳳皇墩

視朝禮具御園迴舟進長河一溯洄別墅

樂善園

精藍

萬壽

寺姑舍是昆明亟待試吟裁

湖墩至止可維舟今歲居然初度遊倒影樓臺依碧水
宜人霽景報新秋

戲題春風啜茗臺

徒傳啜茗對春風偶到新秋悅霽空小坐未曾安席上
高擎早見滿甌中武文火候夫誰待窺伺神情若輩工
雅趣高人非我事當年何杜笑難同

卷雲亭

選字題亭曰卷雲本因峭蒨冠楣禁却嫌半夏名不副
略得今朝意為欣舉目峯巒愜遙望甄心翰墨挹清芬
紫微佳句傳神邈觴觴青螺一幀分

顧瑛芙蓉雙鴛卽用其韻

秋染紅拒霜水淺白沙渚雙鴛不知離夢中亦同處

和闌玉對瀑仙

如茵細草坐茸茸指點飛泉走白龍自是大宛仙種在

採芝底藉命青童

吹噓

噓出氣口虛吹吐氣脣感一丹田陽類一肺腑陰屬陰
故急為寒陽故緩而燠開闔別乾坤義經誰不讀至理
在人身反誠樂莫淑東國人倫郭西都宴喜陸糟粕實
甚焉孝標斯裹足

題宋人撲棗圖

誰家曲院池塘清一株棗樹當閒庭秋來累累佳實成

羣兒玉筍皆崢嶸或是謝家諸弟兄否則童子遺去聲王

曾撲不藉竿手雙擎以裾撻取以盤承於得戒貪都不
爭善哉繪事能傳情不惟傳情童訓精

七月八日恭奉

皇太后木蘭行圍啓蹕之作

通閨由來秋氣早孟秋初吉啟龍旃懸知瞻就迎諸部
宸喜

康強奉大年按頓依然息衆力逐程特厪閱農田黍稌

遭澇稀垂穗帑濟租蠲遑忍延

白河

白河之水竹箭翻塞山一帶為其源處暑漲退橋已架
行旅穩過無怨言去歲經此方待渡牽涸正資色目人
來往立俾輜重過撇捩直使洪濤掀今年渡河縱安逸
却因澇早一月前兩岸積水如去歲黍稌穗細色盡薦
較量灾比昨秋重此况久矣心中存雖然此况心久存
目擊更切如傷論

出古北口作

秦代長城太古秋清時來往習秋蒐刀耕火種率由出

壘敗垣頽那藉脩真是不征譏亦簡

凡關皆有稅惟古北自康熙年間即

不征稅至今因之

幸因弗勞獲還稠度關多稼欣逢慶一百年

前有此不

跋馬

跋馬却輿輦廿年一例便

自啟駕日日乘馬木蘭圍畢始間御輿輦近有以宜御輿

輦為請者却弗許自乾隆辛酉至今廿餘年不肯易此例

寧當因久懈率欲以身先

陡峽落銀瀑晴峯生翠煙騁懷得遊目摘句亦軒然

喀喇河屯行宮懷古

往事徵難信猶傳此黑城

喀喇河屯蒙古語為黑城也

軒庭新歲月

闡郭舊榛荆北界夫何藉山田已遍耕致茲詎容易益
凜守基情

翠雲堂

鬱鬱青松列四株庭前虬蓋翠陰扶秋臨復此乘涼好
月上何曾對影孤過去片時卽萬古未來百歲待斯須

崇山設以商顏擬不入留侯計裏趨

恭奉

皇太后至避暑山莊卽事一律

潦退今秋早半月

大安日日奉同行

去歲阻滯因先啟蹕隨路視橋道俱妥始命誠親王恭奉聖母就道

高年康健真堪慶

祖德恢鴻益厯情地自清涼聽午熱

是日微熱

泰方秀實利

西成廣仁嶺度山莊近恰有排班哈薩迎

時哈薩克汗阿布資遣陪

臣蘇爾統都勒特赫勒等入
謁適至山莊即於嶺前迎接

題秀起堂

去年西峪此探尋山趣悠然稱我心
構舍取幽不取廣開窗宜畫復宜吟
諸峯秀起標高朗一室包涵悅靜深
莫訝題詩緣創得崇情蓄久發從今

振藻樓

樸堂既高豁曲樓復窈窕平陵入屋中
緣梯降雲表景奇意亦新顏之曰振藻
巒情將樹態興會殊不少却笑

錦囊人較此渺乎小

經畬書屋

面山書屋號經畬詠有山泉閱有書不是研田擬唐

庚

壑欲因義路效兒

寬

鋤五車學富何希彼兩字君難足

起予幾度來來消幾刻箇中安得樂三餘

山行

山行尋鹿亦尋詩妙合而凝巧構思得失非他千古事
文章假我寸心知瀑飛絕澗聲偏冷峯較閒雲態更奇

半夏不堪迴首憶緒情欲藉此間怡

靜含太古山房

秀起

名堂

占高朗山房別一區稱佳以幽僻契妙更清殊

松不煩新種石皆入古圖子西善忖度心得乃先吾

趣亭

小亭未足十笏勝趣乃占千山虛牖竒供曠覽崇巖逸
謝勞攀流動則資石瀑周遮不厭林關欲藉澄心觀物
詎云徒尚高閒

不遮山樓

山樓雖迴不遮山幾點新紅萬綠間
奇破天慳欣始遇尋常林壑擬從刪

熱

出關頓覺峭涼生既至山莊熱轉迎
無礙崖邊臨水坐有時林下趁風行
愛看荷朶芳菲在尚聽蟬聲三兩鳴
晚稼今秋尤藉曬憐民勞後補重耕

荷

幾柄秋荷擢塞灘
年年芳色待人看
卉中怪底稱君子
頗似巖松耐歲寒

創得齋

了知深谷有山房
策馬西峯下夕陽
今歲初來即創得
昨秋熟處已將忘
鳥吟花笑自餘樂
月白風清無盡藏
婪熱固欣宜晚稼
愛他嘉蔭亦乘涼

學古堂

書堂帶水復屏山
小坐心常慙此間
勉學

祖功猶未逮那更學古有餘閒

中元日觀河鐙

山莊今歲中元度便放河鐙漾碧漣漫論孟蘭不遮閼
果然時節有因緣一輪水月含天月萬朵金蓮映玉蓮
巖鹿未知為底事開餘惟喜靜尤便

避暑山莊啟蹕木蘭行園之作

白露今年早中元度啟程野橋取路直潦水落潭平晚
稼偏宜熟秋空正快晴貴山求宿衛笑許鑒葵誠

哈薩克汗

阿布賽遣使請安為其所遣陪臣鄂莫爾色楞白特爾
二人懇留備羽林之屬因命為乾清門侍衛遷住伊犁

賦得山泉賞

雲房

聖藻懸

志在賞山泉堪會知仁趣都包今古詮動歸緣有靜後
樂以憂先實政吾猶未

崇情祇喟然

濟爾哈朗圖行宮作

卜克嶺名今秋西取途先臨濟爾哈朗讀作平聲圖戢橐早慶

貞符彼

已卯過卜克嶺曾有詩時尚未定西域也

安樂

蒙古語濟爾哈朗漢語為安樂也

非

謀悅志吾黃野稼逢澇餘有碧空雲斂晚來無勤民習武均心黽詎為高齋景足娛

曉行口號

秋雲似霧傍峯攢曉月如水過望團野約橫溪連騎渡
炊煙出樹引人看

阿穆呼朗圖行宮作

一宿圍場近構齋此憩停天然足山水成趣得軒庭率

省牽馱力堪願情性靈顧名每思義寰海願康寧

蒙古語阿

穆呼朗漢語
為康寧也

過卜克嶺行圍卽景四首

本是賢王遊牧地非牟農父力耕田却因流寓增於昔
私墾翻多占界邊

界限周陞禁制詳鬱盤過嶺卽圍場詰戎柔遠於焉在
家法昭然敢不費

過閏今年謂早寒迫來午熱拂秋鞍晚田賴此方成熟
南望心因萬姓寬

卜克誠然協瑞符新疆田牧創長圖爾時原未廢遊獵
已卯秋過足嶺有貞符如卜克之句蓋爾時回中雖屢
奏捷逆酋尚未獻馘今幸諸部胥定屯政具興還憶當
年戒徒率獮間批答
樞函固無稽畧刻也臨大事當有若無

雨獵

七月廿六日

塞山清曉雲如油須臾雨幕千峰頭獵騎已放奚事止

看城早駐藍旗旂

凡行圍以大黃蘗為中權以白紅二旗居左右翼之中兩翼前各以一藍

旗分隊馳進至二藍旗
俱會駐看城則圍合矣
橐韃策馬便親往衝煙冒霧尋

清遊灑空時霏時却息
岩枝間葉翻銀流千二百卒宿
精練鴻絢尚致野獸稠弓漸無礙
燥手濡無礙柔一發
中其麋再發斃其鹿四十八旗夙
習見哈薩厄魯心服
尤中朝或有諳古者謂當罷獵
學文侯既不受譽毀寧
受詰武身先意所留一之為甚
亦弗再傳宣明雨當停
蒐

兩江總督尹繼善奏報高堰五壩
今歲未過水下

河州縣有收詩以誌慰

湖河分判較分明兩壩東西示定程

洪湖水漲向苦五壩多洩下河滋害

今春南巡指授督河諸臣以湖水過誌一尺清口兼值卽折壩十丈為準灑流澹災實釜底抽薪善策也

今年未淮漲

淮水今歲本弱又值預開清口遂未致過五壩

遂欣澤國慶秋成

尾閘操縱幸底績運口節宣俾刷清

先是高晉摺奏黃流微漾入運因諭

不可株守拆清口壩之說宜多引入天妃閘運口庶得暢流刷淤

奏牘手披別有慰南

巡庶曰不徒行

塞山風景

塞山今歲耐清吟，澗有繁聲樹有陰。
野勒秋霜鹿鳴懶，林留夏葉虎藏深。
曉涼亦愛陽凹坐，午熱還從風處尋。
略覺先時乖獵候，南瞻晚稼慰遐心。

鹿柴

鹿柴護周陸，虞人謹守諸。設聽雉兔往，了識谷陵虛。
木蘭

谷口例用柵木為限，猶不免竄竊。設竟如孟氏言，圍果
七十里，已實佔芻蕘。雉兔地什之七，且芻蕘雉兔者必
將相爭，滋事久之，芻蕘空而雉兔絕。又將何以為圍。
盡信彼為阱，吾聞亦子輿。輞川又曾有較此，竟何如。

出哨

出哨登平陸行行見野莊
千山棲晚稼一嶺隔秋霜

園塲

內已降霜伊邈各口以外則無蓋一嶺之隔也

穫祇常年半較猶內地強釜炊

賴少濟慰不抵憂長

御製詩三集卷二十五